

L Ö G

4

27. jan.

um breyting á lögum nr. 24 12. júní 1939, um dýralækna.

RÍKISSTJÓRI ÍSLANDS

gjörir kunnugt: Alþingi hefur fallizt á lög þessi og ég staðfest þau með samþykki mínu:

1. gr.

1. gr. laganna orðist svo:

Dýralæknar skulu vera sex, tveir í Sunnlendingafjórðungi, og skal annar hafa búsetu í Reykjavík, tveir í Vestfirðingafjórðungi, einn í Norðlendingafjórðungi og einn í Austfirðingafjórðungi.

Atvinnumálaráðherra skipar þá og kveður á um bústað þeirra að öðru leyti en ákveðið er í lögum þessum.

2. gr.

Á eftir 1. gr. laganna kemur ný grein, svo hljóðandi (og breytist greinatalan samkvæmt því):

Dýralæknirinn í Reykjavík skal vera yfirdýralæknir. Hann skal vera ráðunautur ríkisstjórnarinnar í heilbrigðismálum búpenings, hafa eftirlit með embættisfærslu annarra dýralækna, yfirumsjón með sóttvörnum næmra búfjársjúkdóma og innflutningi búfjár og búfjárafurða.

3. gr.

Aftan við 2. gr., sem verður 3. gr., bætist: yfirdýralæknir fær auk þess greiddan nauðsynlegan skrifstofukostnað samkvæmt reikningi

4. gr.

Lög þessi öðlast þegar gildi.

Gjört í Reykjavík, 27. janúar 1943.

Sveinn Björnsson.

(L. S.)

Vilhjálmur Þór.

L Ö G

5

29. jan.

um bráðabirgðafjárgreiðslur í febrúar 1943.

RÍKISSTJÓRI ÍSLANDS

gjörir kunnugt: Alþingi hefur fallizt á lög þessi og ég staðfest þau með samþykki mínu:

1. gr.

Þar til samþykkt hafa verið og staðfest fjárlög fyrir árið 1943, er ríkisstjórninni heimilt að greiða úr ríkissjóði til bráðabirgða, í samræmi við ákvæði fjárlaga fyrir árið 1942, öll venjuleg rekstrargjöld ríkisins og önnur gjöld, er talizt geta til venjulegra fastra greiðslna þess, þótt ákveðin séu eða heimiluð til eins árs í senn.

- 5 Með sama hætti er framlengd heimild til handa stjórnun Landsbankans og
 29. jan. Búnaðarbankans til lífeyrisgreiðslna.
 Heimild þessi gildir þó eigi lengur en til 15. febr. 1943.

2. gr.

Lög þessi öðlast þegar gildi.

Gjört í Reykjavík, 29. janúar 1943.

Sveinn Björnsson.

(L. S.)

Björn Ólafsson.

6

L Ö G

29. jan. um breyting á lögum nr. 44 19. júní 1933, um stofnun happdrættis fyrir Ísland.

RÍKISSTJÓRI ÍSLANDS

gjörir kunnugt: Alþingi hefur fallizt á lög þessi og ég staðfest þau með samþykki mínu:

1. gr.

- a. B-liður 1. gr. laga nr. 44 19. júní 1933 hljóði svo:

Hlutina má selja bæði í heilu lagi og hálfu og enn fremur skipta þeim í fjórðunga, ef reynslan sýnir, að það sé hentugra. Iðgjald fyrir hvern hlut ákveður fjármálaráðherra, að fengnum tillögum happdrættisráðs og happdrættisstjórnar Háskólans.

- b. Á undan tölunni „5000“ í c-lið sömu lagagreinar komi orðin: ekki færri en.

2. gr.

Lög þessi öðlast þegar gildi, og jafnframt falla úr gildi lög nr. 48 27. júní 1941, um breyting á lögum nr. 44 19. júní 1933, um stofnun happdrættis fyrir Ísland.

Gjört í Reykjavík, 29. janúar 1943.

Sveinn Björnsson.

(L. S.)

Björn Ólafsson.